

TULAFONO TAU FAAOFI O TEUTEUGA O LE TULAFONO O SOLITULAFONO 2017

SAMOA

Faamatalaga e Faamalamalama ai

1.0 Sini ma mafuaaga:

- 1.1 Ua taumafai le Tulafono Tau Faaofi e teuteu le Tulafono o Solitulafono 2013 e ala i le faaofiina i ai o le Vaega 9A fou, mo solitulafono e faasaga i le tauleleia o le igoa o se tagata. O le soligatulafono ua faaofiina i lalo o lenei Vaega e faapea, "Faamatalaga sese ua mafua ai le faaleagaina o le tauleleia o le igoa o se tagata". O le mafuaaga autu mo le faaofiina o le soligatulafono, o le faailoa lea o tulaga faaleagaina ua faia e faasaga i le tauleleia o le igoa o se tagata, e se isi tagata, o ia lea ua na lomua faasalalau se faamatalaga sese e faatatau i lena tagata.
- 1.2 O lenei tulaga e tutusa lava ma faiga tau faaleaga, ma e ui lava o taualumaga tau le va o tagata mo faiga tau faaleaga o lo o avanoa i ai tagata lautele, ae o le mea moni lava ia, e le o tagata Samoa uma e avanoa i ai i nei taualumaga, ona e le o tagata uma latou te mafaia ona totogiina auaunaga tau loia e manaomia mo ia taualumaga.
- 1.3 O le mafaufauga lea ua afua ai ona faaofi lenei soligatulafono i totonu o le Tulafono o Solitulafono 2013, ina ia faatagaina ai so o se sui o tagata lautele, ia maua o avanoa i faiga o faamasinoga tonu tau solitulafono, i le tagofia ai o mafatiaga i tulaga faaleagaina e tusa ai o faamatalaga sese ua lomua faasalalau.

Fuaiupu:

Fuaiupu 1: - ua aiaia ai mo le igoa puupuu ma le amataga.

Fuaiupu 2: - ua aiaia ai mo le faaofiina o le Vaega 9A fou faatasi ai ma se fuaiupu 117A fou lea ua aiaia ai e faapea o se tagata o ia lea ua lomua faasalalau se faamatalaga sese ma e faatatau i se isi tagata ma le faamoemoe

e faaleagaina ai le tauleleia o le igoa o lea tagata, ua na faia o se soligatulafono.

.....
(Hon TUILAEPA Auelua Fatialofa Lupesoliai Lolofietele
Neioti Aiono Galumalemana Dr. Sailele Malielegaoi)

PALEMIA